

1479 Primis Januarij

Ex Orig. Arch. Civit. Ant. Varsoe

Consensus Boleslai Ducis pro construenda
Capella in Ecclesia Sancti Joannis Baptiste Col-
legiate Varschoviensis, Famosis Staniczyk et
Rola Civibus Varschoviensibus Datus.

439.

106

In Nomine Domini amen. Ad perpetuam rei me-
moriam. Boleslaus Dei Gratia Dux Mazoviae Russiae
necnon Terrarum Varschoviensis, Ravensis, Gosti-
nensis, Rochaczoviensis Zakrocymensis et Bethen-
sis ac Dominus et Heres. Significamus tenere
presentium tam presentibus quam futuris ha-
rum notitiam habituris quibus expedit genera-
liter Universis. Quomodo volentes nostrae et nostro-
rum Praedecessorum atque Successorum sempiter-
num Saluti procurare remedium necnon ad instan-
tes petitiones, Famosorum Stanislai Staniczyk
et Martini Rola Civium Varschoviensium No-
strorum fidelium dilectorum Ipsis locum pro
Capella et Zakristia ac altari Sancti Jacobi in
Ecclesia Sancti Joannis Baptiste Varschoviensis Col-
legiate in parte dextra ante Capellam nostram
Ducalem Sanctae Mariae et inter Altare olim Mar-
ci Civis Varschoviensis alias ex opposito Domus
Vicariorum Ecclesiae eiusdem Varschoviensis muni-
enda, construenda et edificanda dedimus, donavimus,
admisimus, damusque donamus, et perpetuis tem-
poribus admittimus ac assignamus per praefatos
Stanislaum et Martinum necnon eorum legi-
timos Successores muniendam, construendam, edi-
ficandam, atque tenendam, regendam gubernan-
dam pacificeque et quiete perpetuis temporibus
possidendam. In cuius rei testimonium Sigillum

1771
nostrum Maius de certa Scientia nostra presenti-
bus est appensum Actum et Datum in Warschovia
feria quinta intra Octavas Natalis Domini An-
no Domini Millesimo Quadringentesimo Septua-
gesimo Nono. Presentibus Dominis Iohanne
Llypski Wisnensi Andrea de Raschynere war-
schoviensi, Iacobo de Golinino Oreckonoviensi Ca-
stellanis et alijs quam plurimis fidedignis Testi-
bus circa premissa. Scriptum per manus venera-
bilis et Egregij Viri magistri Petri de Chothkow Me-
dicinae Doctoris Praepositi Sancti Michaelis ma-
ioris et minoris Canonici Plocensis, Warschovi-
sis Loviczensis Curati in Makow Ecclesiarum nec
non Curiae nostrae Cancellarij qui presentia a
nobis habuit in Commissis

Ta kopia wypisana z Oryginatu Bar-
gaminowego Tysiecznego Siedm-
setnego Osmdziesietego Piztego
Roku, Dnia Dzwietnastego Miu-
sica Lipca uktarego na Snur-
ku Jedwabnym w kolorach biatym
fioletowym y karmazynowym kuz-
conym wisi Piecizc jedna w kar-
mazynowe Sukno obszyta.